



JNUNPAZ

JURNAL UNPAZ

Vol. 03, Issue, 12, pp.01-05, Setembro, 2023



ORIGINAL ARTIKLU PESKIZA

HODI ASSESU

PROTESAUN BA MEIU AMBIENTE HUSI HAHALOK SOE LIXU PLÁSTIKU ARBIRU IHA

MUNISÍPIU DÍLI BAZEIA BA DEKRETU LEI NÚ. 26/2012

¹ Frederico Mendonça Fernandes,

² Dr. Reinaldo F. Luis Lic. Dir., MD,

³ Janeiro R. da Silva, Lic. Dir. M.D

¹Lisensiadu Direitu, Universidade da Paz, Timor Leste

²Dosente Fakultade Direitu, Universidade da Paz, Timor Leste

³Dosente Fakultade Direitu, Universidade da Paz, Timor Leste

INFORMASAUN ARTIKLU	ABSTRATU
<p>Istória Artiklu: Data Submisaun 14 Agustu, 2023 Aseitasaun 19 Setembru, 2023</p>	<p>Repúblika Demokrátika de Timor-Leste nu'udár estadu ida "Direitu", signífika klala'ok hotu-hotu tenke haktuir ba Lei, inklui hahalok soe lixu plástiku arbiru.</p> <p>Lixu plástiku sai preokupasaun bo'ot tebes ba sosiedade Timor-Leste atualmente, tanba lixu plástiku to'o ohin loron nafatin naklekar iha Munisípiu Díli, maske Konstituisaun Repúblika Democrática de Timor-Leste estabesele ona objetivu estadu nian ida iha artigu 6º alinea f kona-ba atu fó protesaun ba Meiu Ambiente no prezerva rekursu natural. Haré katak ambiente sai xávi ba dezvoltamentu ba setór hotu-hotu mak iha artigu 61º destaka liután kona-ba Meiu Ambiente hodi estabesele direitu sidadaun hotu nian atu moris iha ambiente ida moos no saudável, no dever estadu no ema hotu nian mak atu esforsu oinsa bele garantia ambiente ida moos, saudavel no sustentabilidade mai ohin no ba futuro jersaun.</p>
<p>Liafuan Xávi: Protesaun ba Meiu Ambiente, Díli</p> <p>Keywords: Protaction of The Dili Environment</p>	<p>Tanba Estadu iha devér atu konserva no fó kuidadu ba ambiente, Governu Konstitusionál IV, rekuñese katak importante tebes hamosu sistema jurídiku ambiente nian ida ne'ebé bele hatuur prinsípiu no regra hodi konserva no fó-kuidadu ba ambiente, nomós proteje direitu fundamentál sidadaun timór sira nian atu bele haburas rekursu naturais no halo jestaun di'ak ba ambiente tuir prespetiva globál no integradu. Nune'e mak dekreta ona dekretu lei número 26/2012 hodi spesífika liután kona-ba asuntu ambiental nian. Alein ida ne'e, iha mos dekretu lei lubuk balun ne'ebé koalia spesífiku liután kona-ba asuntu lixu nian mak hanesan: Dekretu Lei nú. 33/2008 kona-ba Hijijéne no Ordén Públika; Dekretu Lei nú. 2/2017 kona-ba Jestaun Lixu; Rezolusaun Governu nú. 32/2016 kona-ba Estratejia no Melloramentu Jestaun Lixu, no dekreta ona dekretu</p>

lei númeru 37/2021 kona-ba Polítika Zero Plástiku ho nia títulu “*Alienasaun, Importasaun no Produasaun Saku/tas, Embalajen/kemasan no objetu plástiku sira seluk*”.

Hare katak lei sira ne’ebé estabese ona husi orgaun lejislativa sira atu garantia ambiente ida moos no saudável, no atu koresponde ba iha asuntu lixu plástiku ne’ebé naklekar hela atualmente, maibé infelizmente sidauk bele koresponde problema lixu plástiku ne’ebé sei nafatin naklekar, nabutuk, no naresin iha Munisípiu Díli.

Kestaun ne’e akontese tanba implementasaun lei sira ambientál nian mak sidauk rigurozu, forte, no konsentiva comunidade mak sidauk aas tanba socializasaun lei mak sidauk to’o ka máximu, por razaun haré ba apoia servisu ka infrestrutura ba implementasaun lei ambientál mak sidauk korespondente, no iha sorin seluk, haré ba sociedade Timor-Leste ninia nesiedade sidauk bele prontu atu hasoru lei sira ambientál. Portantu presija garantia Timor ninia bem-estar moris, nune’e implementasaun no aplikasaun lejislasaun ambientál bele la’o efetivu, no konsentiva comunidade Munisípiu Díli nian mós garantia hodi bele la’o tuir lejislasaun ambientál ninia afirmasaun ba ambiente ida moos no saudável iha Munisípiu Díli/ Timor-Leste.

ABSTRACT

The Democratic Republic of Timor-Leste as a rule of law, all of which means that all of the clarity must be stated in the law, including the act of throwing plastic waste.

Plastic waste is of great concern to the current Timorese society because plastic waste has been sto- to- date in the Municipality of Dili although the Constitution of the Democratic Republic of Timor-Leste has set a state goal in article 6 paragraph *f* to protect the Environment and preserve natural resources. See that the environment is the key to the development of all sectors which is further highlighted in article 61° on the Environment to establish the right of all citizens to live in a clean and healthy environment and the duty of the state and everyone to make efforts to ensure a clean, healthy and sustainable environment for the future generation.

Because the State has the duty to preserve and care for the environment, the IV Constitutional Government recognizes the importance of creating an environmental legal system that can establish principles and rules for the conservation and care of the environment as well as protecting the fundamental rights of Timorese citizens to develop natural resources and to better manage the environment in a global and integrated perspective. This is why decree-law No. 26 / 2012 has been decreed to further specify environmental issues. This brother also has a number of decree-laws that specifically address waste issues such as: Decree-Law No. 33 / 2008 concerning Hygiene and Public Order; Decree-Law No. 2 / 2017 on waste management; Government Resolution No. 32 / 2016 concerning the Strategy and Improvement of waste management and decreed the decree-law number 37 / 2021 concerning zero plastic policy and entitled "Aliation, Import and Production of Sacu / tas, Efetan / sachet and other plastic objects."

	<p>See that the laws established by the legislative bodies to ensure a clean and healthy environment, and to match the issue of plastic waste that is being broken down, but unfortunately the citizen may match the problem of plastic waste that is still</p> <p>This is because the implementation of environmental laws is strict, strong, and the community's consensus is high because socialisation of the law is too much or maxistic, because the support of services or infrastructure for the implementation of environmental laws is the corresponding citizen, and on the other hand, the needs of Timorese society can be ready to meet environmental laws. Therefore it is necessary to guarantee the well-being of Timor-Leste, so that the implementation and application of environmental legislation can run effectively, and to ensure that the community of the Municipality of Dili is in accordance with the environmental legislation in a clean and healthy environment in the Municipality of Dili.</p>
<p>Korrespondência Autor: Frederico Mendonça Fernandes</p>	
<p><i>Copyright © 2023, Frederico Mendonça Fernandes et al. This is an open access article distributed under the Creative Commons Attribution License, which permits unrestricted use, distribution, and reproduction in any medium, provided the original work is properly cited.</i></p>	

INTRODUSAUN

Haktuir husi Konstituisaun Repúblika Demokátika de Timor-Leste iha artigu 1º número dahuluk, hateten katak: “Repúblika Demokrátika de Timor-Leste hanesan estadu ida direitu demokátiku, soberanu, independente, no unitáriu ida, ne’ebé hatuur iha povu nia vontade no iha respeito ba ema nia dignidade”.

Hanesan Estadu ida Independénte mak Timor-Leste hatúr ninia-an nu’udár Estadu ida Direitu, katak Estadu ida ne’ebé hakrúk no superioriza Lei mak aas liu, nu’udár normas no regulamentu Jurídiku ida atu regulariza ema hotu ninia klala’ok no atitude. Ispíritu husi artigu refere atu fô de’it ninia afirmasaun mai ita katak, klala’ok hotu ne’ebé ita hala’o tenke haktuir ba Lei, inklui klala’ok soe Lixu Plástiku arbiru ne’ebé mak ikus mai rezulta impáktu negativu ba ita nia Meiu Ambiente.

Nasaun sub-dezenvolidu hanesan Timor-Leste oras ne’e esforsu hodi aselera no eleva desenvolvimentu iha kondisaun hotu-hotu atu atinji moris ida ba ema hotu hodi bele kontenti no moris iha prósperu nia laran iha bem-estár moris sosiál ba parte hotu. Jeralmente desenvolvimentu mak mudansa sosiál ida ne’ebé mai ho ideia ka hanoin foun atu hamosu buat foun ba moris sosiál nian. Objetivu mak atu kresimentu ne’ebé bo’ot no atu hasa’e bem-estar moris husi kondisaun sosiál ne’ebé ladi’ak ba di’ak, no di’ak ba di’ak liután ou sustentável, tuir kotéxtu ne’ebé nesesáriu. Desenvolvimentu hanesan prosesu mudansa ida ke akumula husi setór hotu-hotu inklui setór: Edukasaun, Saúde, Turizmu, Agrikultura, Infrestrutura, Ekonómia ke hola parte iha komponente Ambientál, ne’ebé mak presija dezenvolve através kuida no proteje didi’ak Meiu Ambiente ne’e rasik, tamba Ambiente mak sai xávi ba desenvolvimentu nasional hodi hadi’a povu nia moris.

Tanba ne’e mak estadu rekuñese no valoriza Meiu Ambiente, hodi konsagra ona iha Konstituisaun RDTL artigu 6º alenea (f) kona ba objetivu estadu nian hodi hateten no estabelese objetivu fundamentál Estadu nian ida mak: “Atu fô protesaun ba Meiu Ambiente no prezervasaun rekursu naturais”. Ho nune’e iha Konstituisaun RDTL artigu 61º espesífika liu tan ho nia dispozisaun sira mak hanesan:

1. *Ema hotu iha direitu ba atu moris ne’ebe umanu, di’ak ba saúde no ekolójikamente ekilibradu no iha dever atu proteje no halo di’ak liután Ambiente ne’e ba jersaun sira ne’ebe aban-bainrua sei mosu.*
2. *Estadu rekuñese katak presija hamoris nafatin no valoriza rekursu naturais.*
3. *Estadu tenke promove asaun sira atu defende meu Ambiente no tenke garantia ekonómia nia desenvolvimentu sustentável.*

Haré ba artigu refere katak, la’os de’it direitu ba Ambiente moris umanu ida saudável no ekolójikamente hetan ekilíbriu, maibe mós kna’ar ne’ebe hotu-hotu tenke prezerva, hamahan Ambiente ida ne’ebé di’ak ba jersaun sira tuir mai. Iha kontéxtu ida ne’e rekuñese ona tuir Konstituisaun, presija atu hamahan no fô folin ba rekursu naturais, no presija determina hahalok promóve no halo defeza ba Meiu Ambiente nu’udar maklorin fundamentál ba desenvolvimentu sustentável ekonómia Timor-leste nian.

Atualidade, iha Timor-Leste nomeadamente iha Munisípiu Díli, sociedade em geral sempre kestiona kona-ba lixu ne’ebé desde uluk sai hanesan problema klásiku, ne’ebé to’o agora seidak rezolvidu. Kestaun ne’e akontese tamba implementasaun dekretu lei número 26/2012 mak laiha efetividade no ladún rigurozu. Parte seluk mak socializasaun lei ba sociedade mak laiha tanba ne’e mak comunidade sira seidak iha konsiénsia ba gere lixu tuir ninia fatin, no seidak konsiente ba iha lixu plástiku nia impaktu ba meu ambiente ne’e bo’ot teb-tebes. Ho nune’e

mak ita bele dehan katak, haré ba problema refere ne'ebé sai polémika bo'ot tebes ba Sociedade Timor-Leste, mak Governu esforsu hodi estabese tan regulamentu jurídku ne'ebé espesial ba lixu ninian mak hanesan: Dekretu Lei nú. 33/2008 kona-ba Hijiéne no Ordén Públika; Dekretu Lei nú. 2/2017 kona-ba Jestaun Lixu; Rezolusaun Governu nú. 32/2016 kona-ba Estratejia no Melloramentu Jestaun Lixu. Alén ida ne'e, Governu mós esforsu hodi organiza Funsionáriu Públiku sira inklui membru PNTL no F-FDTL hodi tun direitamente ba terenu hodi halo limpeza ba fatin-fatin iha Díli laran, kada loron Sexta feira, nomós Governu prepara kondisaun sira hanesan instála ona kontentóres iha fatin públiku sira, atu comunidade sira bele gere lixu ne'ebé naklekar, inklui lixu plástiku ho di'ak. Maibé infelízmente lei sira relevante ho meu ambiente ne'ebé estabese ona husi orgaun lejislativu ho intensaun atu fó protesau ba ambiente husi hahalok so'e lixu arbiru, problema kona-ba lixu nafatin la rezolidu to'o agora, no lixu plástiku sei nafatin naklekar, hodi rezulta ba Meu Ambiente iha Munisípiu Díli/ Timor-Leste.

Ho razaun fundamentál ne'e, mak motíva hakerek na'in hodi foti issu ida ne'e sai hanesan temátiku ida, atu nune'e bele halo peskiza ida ba problema refere, ne'ebé mai ho nia Tópiku mak banati tuir: **“Protesau Ba Meu Ambiente Husi Hahalok So'e Lixu Plástiku Arbiru Iha Munisípiu Díli, Bazeia ba Dekretu Lei Nu. 26/2012”**

METODOLOJIA PESKIZA

Metodolójia peskiza ne'ebé hakerek na'in uziliza ba hala'o peskiza mak metodolójia Peskiza Direitu Empíriku.

Estudu impíriku mak hanesan estudu ne'ebé haré Lei hanesan realidade, kobre (mencakup) ralidade sosiál, realidade kultura, no seluk. Estudu ne'e ho karakter deskriptivu. Estudu empíriku iha parte seluk mak: Sociolójia Direitu, Antropolójia Direitu, no Psikolójia Direitu. Ho liafuan seluk, estudu empíriku investiga *law in action*. Purtantu, estudu empíriku ninia natureza mak *das sein* (apa kenyataanya).

Ho nune'e mak hakerek na'in foti natureza peskiza ida ne'e atu direitamente tun ba iha sociedade hodi bele haré no buka tuir kona-ba kauzalidade husi problema soe Lixu plástiku arbiru husi comunidade sira, no oinsá implementasaun Leis sira kona-ba Meu Ambiente iha sociedade Munisípiu Díli.

REZULTADU PESKIZA

1. Implementasaun Lei Ambiente

Timor-Leste nu'udár Estadu ida Direitu Demokrátiku hanesan haktuir ona husi Konstituisaun RDTL artigu 1º alinea 1, signifika atu fó protesau ba meu ambiente iha Timor-Leste, liu-liu Munisípiu Díli, mak importante tebes atu implementa lei sira relevante ho meu ambiente ho di'ak nune'e bele garantia kualidade ambientál ho sustentabilidade ba futuru jersaun.

Iha Konstituisaun RDTL artigu 6º alinea *f* hutúr ona objetivu estadu nian ida mak atu fó protesau ba ambiente no prejerva rekursu natural. Nune'e atu fó protesau ba meu ambiente ne'e rasik mak iha artigu 61º Konstituisaun RDTL destaka ona kona ba meu ambiente.

Tanba ne'e mak Estadu iha devér atu conserva no fó kuidadu ba ambiente, no IV Governu Konstitusionál, rekuñese ona katak importante tebes hamosu sistema jurídku ambiente nian ida ne'ebé bele hatuur prinsípiu no regra hodi conserva no fó-kuidadu ba ambiente nomós proteje direitu fundamentál sidadaun timór sira nian atu bele haburas rekursu naturais no halo jestaun di'ak ba ambiente.

Atu fo kuidadu ba ambiente ida moos no saudavel, mak Tuir uzu autorizasaun lejislativa ne'ebé fô, tuir termu previstu iha artigu 96º Konsituisaun nian, IV Governu konstituisional dekreta ona Dekretu lei númeru 26/2012. No haré mós ba iha problema lixu plástiku ne'ebe naklekar, no sai hanesan preokupasaun ema hotu nian mak iha tinan 2021 VIII Governu Konstituisional dekreta ona dekretu lei númeru 37/2021 kona-ba Polítika Zero Plástiku ho nia títulu “*Alienasaun, Importasaun no Produsaun Saku/tas, Embalajen/kemasan no objetu plástiku sira seluk*”.

Maibé infelixmente esforsu husi lejislasaun hirak ne'e, ke estabelese ona relevante ho meu ambiente, sidauk bele koresponde ba iha problema soe lixu plástiku arbiru iha Munisípiu Dili. Kestaun ne'e akontese tanba Governu laiha kapasidade atu implementa lei sira relevante. Tanba ne'e mak Haktuir husi Diretor DNCP Sr. Nelson A. de J. M. katak: ‘*Ita iha lejislasaun lubuk kona-ba meu ambiente no ba lixu plástiku nian, no iha duni sansaun husi leis relevante, maibe hare katak ate a data sidauk aplika ho di'ak, portanto ita nia frakeza mak ida ne'e, ita laiha kapasidade atu implementa*’.

Kestaun ne'e mak implika ba iha comunidade sira nafatin prátika hahalok soe lixu plástiku arbiru tanba comunidade sira sidauk hatene dekretu lei hirak ne'ebé estabelese tiha ona.

Haktuir husi **E. Utrecht** kona-ba implementasaun lei katak: ‘*Lei hanesan giador ba moris (orden no proibisaun), ne'ebé regula orden públika iha sosiedade ida ne'ebé lolós tenke obdese husi membru comunidade, no bainhira kontra bele hamosu asaun husi parte governu ba sosiedade ne'e rasik*’.

2. Sansaun ba Komunitade Ne'ebé Kontra

Bazeia ba Dekretu lei númeru 26/2012 estabelese mós sanasaun júridika ba iha violasaun ambientál ne'ebé defini iha nia artigu Artigu 59º kona-ba ‘*Responsabilidade ba violasaun*’ mak hanesan:

- 1) Infrasaun sira iha lei ida-ne'e konsidera nu'udar violasaun, sei hetan kastigu ho koima ki'ik no boot liu sei define iha lei tuir infrasaun nia gravidade.
- 2) Responsabilidade ba violasaun nu'udar responsabilidade sivil ka krimál mesak ne'ebé bele iha fatin, tuir termu lei nian.
- 3) Bainhira hahalok hanesan hetan kastigu ba títulu krime hanesan karik no violasaun, sakar na'in mak sei hetan pena ba títulu krime nian, lahó prejuizu aplikasaun sansaun asesóriu prevee ona ba avaliasaun.
- 4) Neglijénsia no koko hala'o aktu sei hetan nafatin kastigu.
- 5) Estadu tenke dezenvolve orientasaun jerál no orientasaun atu avalia estragu ambiente sira atu determina sakar na'in nia responsabilidade.

Iha artigu Artigu 60.º kona-ba (Responsabilidade objetivu), hodi dehan:

- 1) Iha obligasaun atu selu hikas, hosi sala ne'ebé iha, bainhira de'it ema ruma estraga ambiente.
- 2) Tribunal mak sei halo avaliasaun, tuir termu direitu jerál sira, ba estragu maka'as no estabelese kuantitativu indemnizatóriu tenke haree dispostu númeru lima artigu liubá nian.

Hare mós ba artigu 61.º konaba ‘*Sansaun asesóriu*’, kompozita husi substánsia hirak mak hanesan:

Violasaun lei ida-ne'e no lejislasaun ambientál seluk tan bele aplika sansaun asesóriu hirak tuir mai la estraga dispostu artigu tatuir:

- a) Bandu atu hala'o knaar ka atividade;
- b) Revoga lisensa ka autorizasaun atu hala'o atividade;

- c) Prende, lakon ka muda Estadu nia sasán ka ekipamentu ne'ebé uza tiha ka prudúz ona bainhira sakar;
- d) Lakon direitu subsidiu ne'ebé fó ona ho sientidade ka servisu públiku sira;
- e) Lakon benefísiu kréditu ka liña finansiamentu hodi hatuur kréditu ne'ebé bele goza;
- f) Fó hikas ba Estadu montante hanesan ho valór merkadu rekursu naturais esploradu sira ne'ebé viola dispostu lejislasaun ambientál no degradasaun ka estragu ambientál ne'ebé verifika ona, aumenta juru sira.

Iha mós Artigu 62.º kona-ba ‘‘Hadi’ak no fó kompensasaun’’ hodi haktenik ho nia numeru sira mak hanesan:

- 1) Sé mak, viola hela dispozisaun legál sira ka regulamentár ne'ebé iha kbiit legál hela, hamosu estragu ba komponente ambientál ida ka liu, iha obrigasaun atu hadi’ak fali hanesan situasaun uluk ba faktu ne'ebé hamosu lezaun ida-ne'e, atu la estraga dispostu artigu 59.º. Bainhira de'it devér repozisaun prevee iha número liubá la kumpre ho voluntáriu bele, autoridade kompetente, haruka harahun, obra no servisu ne'ebé presiza tau hikas situasaun uluk sira ba sakar no hadi’ak, despeza sakar na'in.
- 2) Bainhira la bele atu hadi’ak fali hanesan uluk ba faktu ne'ebé hamosu lezaun ka la bele foti medida seluk ne'ebé atu tau hikas fali, sakar na'in iha obrigasaun atu selu kompensasaun ida, tuir termu jerál direitu nian.
- 3) Kompensasaun prevee na iha número liubá tenke fahe hanesan ba comunidade lokál sira ne'ebé kona estragu hirak ne'e.

Haré mos ba iha Artigu 63.º (Tutela jurisdisionál) hodi destaka ho nia numeru hirak tuir mai:

- 1) Ministériu Públiku maka halo atuasaun iha tribunál kompetente sira atu defende ambiente, aplika no halo kumpre lei ida-ne'e no lejislasaun ambientál sira seluk.
- 2) Ema singulár ka koletivu ne'ebé sente ameasa ka hetan violasaun ba ninia direitu, iha direitu tomak atu hato'o ba tribunál hodi husu atu hapara hahalok ameasa nian ka viola ninia direitu sira no bele selu filafali no iha termu jerál direitu nian.
- 3) Sei rekoñese mós ema sesé de'it ninia lejitimidade, liuliu iha interese idaidak nian hodi buka, nune'e mós asosiasaun sira, fundasaun sira no kmunidade lokál sira, atu apresenta no intervein, iha prosesu prinsipál no kuidadu hodi defende ambiente.
- 4) Membre públiku interesadu hotu-hotu iha lejitimidade prosesuál atu husu legalidade prosesuál ka substantiva ba desizaun sá de'it, aktu ka omisaun hosi entidade públika sira.
- 5) Direitu asesu ba tribunál prevee iha artigu idane'e bele hala'o kedas maske la presiza molok ne'e rekursu administrativu

Iha artigu 64.º (Rezolusaun alternativu letíjiu nian), mós mai ho nia número sira tuir mai ne'e:

- 1) Estadu mak promove no hamosu dalan rezolusaun alternativu letíjiu ambientál nian, nu'udár arbitrajén, konsiliausaun no mediasaun no hamosu mekanizmu no meiu hirak presiza atu kaer metin ninia uzu, laho prejuizu dispostu iha artigu liubá.
- 2) Komunidade lokál sira bele uza instituisaun no mekanizmu lokál sira ne'ebé hetan reoñesimentu atu rezolve alternativu letíjiu ambientál sira ho respeitu ba objetivu no prinsipiu ne'ebé hatuur ona iha lei ida-ne'e.

- 3) Rezolusaun alternativu litíjiu ambientál sira la bele aplika ba krime ambientál sira. Dispostu númeru liubá sira la prejudika direitu rekursu nian ba tribunál kompetente Repúblika Demokrátika Timor-Leste, iha termu sira lei nian.

Iha realidade hatudu katak até a data sidauk iha sansaun ba comunidade sira ne'ebé kontra ordenamentu jurídku ne'ebé iha. Kestaun ne'e akontese tanba atu aplika sansaun ba comunidade sira, haré katak povo ka comunidade sira hotu sidauk pruntu atu hasoru lei hirak ne'ebé mai ho nia sansaun tanba ho sosial ekonómia ne'ebé la sufisiente. Xefi Departamentu Planu Jestaun Ambiental Sr. Adelino Silveira mos akresenta:

''Agora Governu halo hela estudu sosial ekonómia katak, atu implementa leis relevante ho nia sansaun, iha sorin seluk haré ba iha povu ninia sosial ekonómia sidauk pruntu. Entaun lei sira ne'e karik iha ba, maibé husik lai. De vez enkuandu, ita halo komparaun ho paiz seluk, governu asegura ona povu nia moris di'ak portantu bainhira implementa leis hirak ne'e, povu mos pruntu''.

Haré ba kestaun ne'e hatudu, aplikador no implementador sira mak sidauk ezerse papél ho lolós. Tanba ne'e presija aplikasaun no implementasaun lei ne'ebe adekuadu.

Prosesu aplikasaun Lei tuir *Soerjono Soekanto*, influencia husi fatór 5. Primeiru, fatór Lei ka regulamentu lejislasaun sira. Segundu, fatór aparatus da lei, ne'e mak parte hirak ne'ebe inklui iha prosesu estabesimentu no aplikasaun lei ne'e rasik ne'ebé mak relasionadu ho problema mentalidade. Terseiru, fatór sarana/ meius ka facilidade ne'ebé apoia prosesu aplikasaun lei. Kuartu, fatór sosiedade, ne'e mak ambiente sosial, ne'ebé mak lei refere vigór ka aplika, relasionadu ho konsentiva, no obdese lei ne'ebé halo reflexaun ba konsentiva sosiedade. Kintu, fatór kultura, ne'ebé rezulta husi obra, no sentimentu ke bázikamente husi intensaun umanu iha asosiasaun moris.

3. Dezafius Ne'ebé Implika ba Prosesu Implementasaun Lei

Protesaun no konsersasaun ambiente (estrutura aumenta ho alvu servisu kada diresaun fiksi no abordájen ba Ministériu no ajénsia relevante sira aumenta di'ak liután, maibé iha dalan klaran hasoru obstáklu no dezafiu mak hanesan

1. Aplikasaun Sistema Dotasaun Orsamentu Temporáriu/DOT afeta ba iha atividade servisu diresaun nian;
2. Falta ekipamentu suporta/Non infraestrutur (Lei kona ba Kontrolu Poluisaun, SOP, Padrõens qualidade ambientál);
3. Falta ekipamentu suporta ba servisu/Instalasiõens (Ekipamentu Protesaun Industria, Laboratóriu, Menus ekipamentu eskritóriu);
4. Atividade Kompañia IOC sei paradu implika ba prosesu resiklajen no refinária;
5. Menus orsamentu no transporte ba atividades inspesaun no monitorizasaun;
6. Menus kapasitasaun ka formasaun ba funsiunáriu ligadu ho aspetu kontrolu poluisaun no jestaun ambiental;
7. Ezisténsia Funsiunáriu kazual sira seidaun iha serteza ba sira destinu nudar servisu nain durante tinan barak ona.

Dezafiu hirak ne'e mak implika ona ba iha prosesu implementasaun lei kona ba ambiente nian liu-liu ligadu ba iha asuntu lixu nian, tanba falta ekipamentu suporta ka meius no infrestrutura ba apoia servisu.

Tuir matenek na'in sosialojia direitu *Soerjono Soekanto*, fatór ne'ebé influensia ba aplikasaun lei mak fatór Lei, fatór sosiedade, fatór aplikador lei, fatór meius no infrestrutura, no fatór kultura.

Signifika haré ba dezafiu iha leten katak, la'os de'it haré ba iha fatór haat seluk hanesan, fatór lei, fatór aplikador, fatór, sosiedade, no fatór kultura. Maibé fatér meius no nfrestrutura mós importante tebes atu bele suporta aplikasaun lei. Tanba fatór refere sai hanesan disponibilidade fonte apoia ba iha prosesu aplikasaun lei, meius no infrestrutura ne'e tenke halo estudu kle'an, espesialmente kona-ba kualidade no kuantidade ka ninia total.

4. Nível Kuñesimentu Komunitade Manleuana, Kona-ba Lei Ambientál

“Kontextu jeral ita hatene katak dekretu lei número 26/2012 ne'e kona-ba Lei Baze Ambiental nian, maibé ne'e hanesan termu ida jeral. Ligadu ho kuñesimentu nivel autoridade iha suku ida ne'e dala barak ita rona kona-ba lei baze ambiental nian maibe ninia definisaun husi dekretu lei ne'e rasik kuaze autoridade sira no comunidade sira ladun kompriende no hatene. Kestaun ne'e akontese tanba seidauk iha sosializasaun ida mázimu”. (tenik Xefi Aldeia Lemocari, Sr. Estaquio Tilman)

Relasiona ba iha Dekretu lei número 26/2012 iha artigu 6° (Direitu sidadaun), iha número 2 hateten *“Ema hotu-hotu iha direitu atu hetan asesu ba informasaun ambiente nian, iha tempu ne'ebé presiza, tuir termu lei nian, lahó hanoin atu estraga fali direitu ema seluk nian ne'ebé proteje tiha tuir lei”.*

Haré katak iha número 2 husi artigu 6° ne'ebé koalia kona-ba ema hotu iha direitu atu asesu ba informasaun ambiente nian, maibé comunidade sira mos iha direitu atu hola parte iha prosedimentu atu foti desijaun ambiente nian, hanesan tenik iha artigu 6° número 3 katak: *“Ema hotu-hotu iha direitu atu hetan asesu hodi hola parte iha prosedimentu atu foti desizaun ambiente nian ne'ebé presiza rohan di'ak significativu iha ambiente”.*

Alien de aseseu informasaun no hola parte ba prosedimentu atu foti desijaun ambiente nian nu'udár tenik iha numeru rua liubá, maibé mos ema hotu iha direitu atu hetan edukasaun ambiental nu'udár artigu 6° número 4 hateten: *“Ema hotu-hotu iha direitu atu hetan asesu ba edukasaun ambientál ho objetivu atu asegura partisipasaun di'ak hosi sidadadun sira hodi konserva no proteje ambiente”.*

Atu lei bele hetan kunesimentu husi sosiedade mak, Iha meius indikadór konsentiva ba lei tuir *Kutschinsky* (iha *Soekanto*) hanesan tuir mai ne'e:

- a. Kuñesimentu kona-ba Lei ka *law awareness*.
- b. Kuñesimentu kona-ba konteúdu husi lei ka *law acquaintance*.
- c. Hahalok ba lei ka *legál attitude*.
- d. Modellu-modellu kona-ba klala'ok lei ka *legal behaviour*.

5. Dever Governo Halo Sosializasaun Lei ba Komunitade Manleuana (Lemocari)

Haré ba iha rezultadu ke hatudu liu husi entrevista hamutuk ho xéfi aldeia lemocari katak sosializasaun lei ba comunidade sira mak seidauk envolve to'o ba iha comunidade sira. Nune'e xefi aldeia Lemocari kestiona katak:

“Pratikamente governu halo sosializasaun ba autoridade, maibé la to'o ba iha comunidade sira”

Dekretu lei número 26/2012 iha nia artigu 12º (Komunidade lokál), koalia koalia kona-ba importante atu promove comunidade sira nia partispasaun ba implementa no monitoriza polítika ambiente nian no prosesu hodi foti desizaun ba ambiente, nune'e iha número 3 husi artigu 12º mós destaka konaba Estadu tenke hamosu meu komunikaun ne'ebé presiza mós comunidade lokál no grupu vulnerável sira-nia partispasaun iha prosesu hodi foti desizaun ba ambiente, fahe no troka informasaun kona-ba atu define no implementa polítika no lejislasaun ambientál no fiskaliza atividade sira-ne'ebé fó impakatu ba ambiente.

Haré ba iha lei sira ne'ebe relevante ho ambiente ke estabelese ona, maibe ladauk rezolve problema soe lixu plástiku arbiru, mak xefi aldeia Lemocari kestiona katak:

‘Lei ne'e iha ona maibé la halo sosializasaun kle'an ba comunidade. Tanba ne'e presija halo sosializasaun atu sociedade sira hotu bele kumpriende sobre lei ne'e rasik’ nia kontinua kestiona hodi dehan: *‘Ita nele produs lei oi-oin maibé sekuandu la sosializa no sensibiliza ba iha sociedade sira mak ninia rezultadu sei la kobre ba iha sira, tanba ita bele dehan katak aplikador ba lei ne'e rasik prinsipalmente mak comunidade sira, sekuandu la halo sensibilizasaun mak comunidade sira sei la hatene no kumpriende sobre lala'ok no utilizasaun ida lolós’*.

Aplikador ba lei ne'e rasik la'os de'it husi parte sira implementadór no aplikadór ba lei maibé aplikador ida mak comunidade ka sociedade ne'e rasik. Tuir Teoria Aplikasaun ne'ebe iha, hafahe ba parte rua mak:

1. Haré husi ninia parte objetu:

Iha sentidu luan, prosesu aplikasaun lei inklui mós sujeitu da lei iha kada relasaun ba lei. Sé de'it mak hala'o regras normativu ka halo buat ida ou la halo buat ida ho integra an ba norma regulamentu Lei ne'ebé vigór, signifika nia hala'o no aplika regra Direitu.

Iha sentidu klo'ot, aplikasaun Lei só dignifika ba esforsu husi apparatus aplikadór lei refere, hodi garantia katak regra direitu ida tenke la'o di'ak no la'o tuir ninia dalan.

2. Haré husi parte objetu, ne'e mak husi parte Direitu:

Iha sentidu luan, aplikasaun lei ne'e mai husi való-valór justisa ke iha ninia laran hafalun afirmasaun regra formal nomós valór-valór justisa iha sociedade ninia le'et. Iha sentidu klo'ot, aplikaksaun lei ne'e refere de'it ba aplikasaun regulamentu ne'ebé formal no hakerek.

Programa balun ne'ebé utiliza hodi korresponde ba mekanizmu ne'ebé bele rezolve ba problema lixu plástiku, iha kontektu suku Manleuana mak hanesan tuir mai:

- 1) Kopera ho PNDS halo ona konstrusaun lixu fatin móvel.
- 2) Ho mós Care ho programa konstrui ona lixu fatin permanente no móvel, no soe lixu tuir ninia tipu.
- 3) Instala mós kuadru avizu sobre oinsá mak bele soe lixu tuir orariu no fatin ne'ebé prepara ona.

Haktuir husi artigu 11º (Autoridade komunitáriu) hateten iha numeru 1 katak: *‘Atu la prejudika dispostu iha artigu liubá, Estadu tenke promove autoridade komuntáriu sira-nia partispasaun hodi konserva no proteje*

ambiente no prezerva no uza sustentável rekursu naturais no ninia envolvimentu ba prosesu hodi foti desizaun no atividade ambiental sira''. portantu iha suku Manleuana programa balun ke responde ba problema lixu plástiku mak apresenta ona iha numeru hirak liubá, maibé ladauk korespondente, tanba autoridade sira mós sidauk intende no kumpriende kona-ba substansia husi lei sira relevante.

6. Problema Lixu Plástiku Nafatin Naklekar

Realmente iha aldeia Lemocari, suku Manleuana, lixu plástiku kontinua naklekar iha fatin-fatin tanba comunidade sira soe lixu la tuir ninia fatin, no kaminetas la rutina atu rekolla lixu sira tuir orariu ne'ebé iha.

''Haré ba iha lei baze ambiental defini mos kona-ba dever governu nian ida mak atu proteje ambiente ne'e rasik, maibé ita haré lixu nafatin nabutuk naklekar tanba comunidade sira sidauk iha konsiente katak impaktu husi soe lixu arbiru ne'e bo'ot tebes tanba ne'e presija konsensializa. Parte seluk mak konstrui ona fatin lixu nian ne'ebe iha, mas kaminitas sira la rutina atu rekolla lixu sira'' (tenik xefi aldeia Lemocari).

Bazeia ba artigu Artigu 4º (Objetivu) ne'ebé koalia konaba estadu nia responsabilidade atu halo promosaun ba ambiente ida moos no matak nomós bele proteje ema hotu nia saúde no nesesidade no fõ kuidadu no uza didi'ak rekursu naturál sira, define no implementa polítika ambiente nian, lejislasaun, programa sira, planu no projetu sira.

Atu comunidade sira konsiente ba impaktu husi soe lixu plástiku arbiru mak importante tebes atu hasa'e konsentiva comunidade sira nian liu husi dalan sosializasaun, nune'e bele garantia katak neneik ba bebeik sei la mosu tan hahalok soe lixu plástiku abiru iha Munisipiu Dili.

Tuir *Zainudin Ali* , iha asuntu 5 ne'ebé tenke iha atu aplikasaun lei sira bele la'o efetivu, mak hanesan tuir mai:

- 1) **Kuñesimentu ba Lei (Pengetahuan Hukum):** Bainhira lejislasaun (perundang-undangan) estabesele ona juridikamente, regulamentu ka lei refere funsiona ona. Nakait ida ne'e, mosu asumsaun katak sosiedade konsidera hatene ona ezisténsia lejislasaun refere.
- 2) **Kompriensaun ba Lei (Pemahaman Hukum):** kompriensaun ba lei hanesan pasu ida kontinua husi kuñesimentu ba lei. Através kuñesimentu ba lei, esperansa katak sosiedade bele kumpriende objetivu regulamentu lejislasaun (perundang-undangan) nomós benefisiu husi ezisténsia regras refere.
- 3) **Estrutura Lei (Penataan Hukum):** Sosiedade obdese ba lei tanba aspetu hirak. Exemplu, tauk tanba sansaun, kuida relasaun ho governu, kuidadu relasaun di'ak ho parseria, lei konsidera hanesan ho valór, ka garantia interese sosiedade.
- 4) **Esperansa konsentiva ba lei (Pengharapan Terhadap Hukum):** Norma-norma husi lei konsideradu bainhira sosiedade mós hatene, kumpriende, no obdese. Esperansa ba lei sei hamosu apelu no estabilidade.
- 5) **Progresu konsentiva ba lei (Peningkatan Kesadaran Hukum):** Objetivu husi progresu konsentiva lei mak sosieade kumpriende lei tuir nesesidade. Iha mós parte balun ne'ebé servisu hodi hasa'e konsentiva da lei iha sosiedade mak hanesan parte judisiáriu ne'ebé posíbel halo relasaun direitamente ho sosiedade.

KONKLUZAUN

República Democrática de Timor-Leste nu'udár estadu ida "Direitu", signifika klala'ok hotu-hotu tenke haktuir ba Lei, inklui hahalok soe lixu plástiku arbiru.

Realmente iha Timor-Leste liu-liu Munisipiu Dili hatudu, hahalok soe lixu plástiku arbiru nafatin la rezolvidu to'ohin loron, maske Lei inan konstituisaun RDTL garantia iha artigu 6° alinea f kona-ba objetivu estadu atu fó protesau ba ambiente, no artigu 61° ke spesífika kona ba meu ambiente, ne'ebé estabesele direitu sidadaun hotu nian atu moris iha ambiente ida mós no saudavel, no estabesele mos dever estadu no ema hotu nian atu fó protesau ba ambiente ne'e rasik. Alien ida ne'e atu fó protesau ida di'ak liu ba qualidade ambientál mak governu estabesele mós dekretu lei numeru 26/2012 kona-ba Lei Baze Ambientál no lejislasaun sira seluk ne'ebé relevante. Maibé infelizmente to'ohin loron ladauk koresponde ba problema refere. Kestaun ne'e akontese tanba ho razaun hirak tuir mai:

1. Lei sira ne'e mak seidak forte no rigurozu, tanba governu sidauk bele atu implementa lei sira ne'e ho rigurozu, ho razaun, haré ba estudu sosial ekonómiku ne'ebé hala'o husi governu katak sosiedade ka komunidad Timor-Leste sidauk pruntu ho sosial ekonómiku hodi hasoru lei sira ne'e.
2. Maioria sosiedade Timor-Leste sidauk hatene no kumpriende kona-ba lei hirak ne'e, tanba socializasaun lei ba iha komunidad mak sidauk to'o ka mázimu, no komunidad sira sidauk konsiente ba impaktu husi hahalok soe lixu plástiku arbiru ne'e bo'ot teb-tebes.

REKMEINDASAUN

Relasiona ho rezultadu peskiza ne'ebé investiga ona iha terenu ho razaun hirak ke apresenta ona iha número liubá, mak permite hakerek na'in bele saran rekomendasaun ba parte hirak mak hanesan:

1. Governu atu garantia uluk povo ninia moris ida di'ak liu, no garantia infrestrutura servisu ne'ebé suficiente ba aplikasaun lejislasaun ambientál nian, nune'e bele implementa no aplika lejislasaun ambientál hirak ne'e bele la'o efetivu.
2. Ba governo liu husi nia departamentu governamentál ne'ebé responsável ba assuntu ambientál, atu ho kbi'it tomak bele toma atensaun ida sériu ba problema ambientál, liu-liu lixu plástiku ne'ebé sempre naklekar iha sidade Dili, ke sai problema klásiku ne'ebé to'ohin loron la iha mudansa. Atu ho mekanizmu halo socializasaun informasaun kona-ba lei, to'o ba iha nível lokál atu sosiedade bele hatene no intende sobre lei sira relevante, no halo esforsu ida eztraordináriu tebes ho mekanizmu ida adekuaudu no qualidade hodi koresponde ba problema soe lixu plástiku arbiru, nune'e bele garantia ambiente ida moos no saudável ba Timor ida furak no matak iha mundu nia matan.

BIBLIOGRAFIA

I. LITERATURA/LIVRUS

- Lawrence M. Friedman, *The Legal System: A social Science Prespective*, (New York: Russel Sage Fundation, 1975);
- Sajipto Raharjo. 1987. *Masalah Penegakan Hukum*. Bandung : Sinar Baru;
- Dellyana, Shant. 1988, *Konsep Penegakan Hukum*. Yogyakarta: Liberty;
- Soerjono Soekanto. 2002 *Kesadaran Hukum dan Kepatuhan Hukum*. Jakarta : Raja Grafindo Persada;
- Soerjono Soekanto. *Kesadaran dan kepatuhan Hukum: Jakarta Rajawali Pers 1982*
- Zainudin Ali, *Sosiologi Hukum*, (Jakarta: Sinar Grafika, 2007);
- Sajipto Raharjo, *Ilmu hukum bandung: PT. Citra aditya Bakti 2000*;
- Sajipto Raharjo, *Ilmu hukum bandung: PT. Citra aditya Bakti 2000*;
- Abdillah, M. 2005. *Fikih Lingkungan: Panduan spiritual Hidup Berewawasan Lingkungan*. Yokyakarta: UMP AMP YKPN;
- Valentinus Darsono. *Pengantar ilmu lingkungan*, Yogyakarta: Universitas Atma Jaya Yogyakarta;
- Otto Soemarwoto, 2008, *Ekologi, Lingkungan Hidup, dan Pembangunan*, Djembatan. Jakarta;
- Campbell, Neil, Reece, dan Mitchell. 1983. *Biologi*. Penerbit. Erlanga;
- Notohadiprawiro, Tejuwono. 1992. *Pegelolaan Lingkungan untuk kelanjutan kegunaan sumberdaya daua alam*.
- Prosiding Makalah Seminar Nasional “Arah dan kebijakan Pembangunan dalam Upaya Optimalisasi asumberdaya untuk Pembangunan Jangka Panjang Tahap I” Fakultas Geografis UGM, Yogyakarta;
- Barilia, Lily. 2008. *Teori Pembelajaran Lingkungan Hidup di Sekolah Dasar* Royyan Press;
- Rifiki Afandi, 2013. *Integrasi Pendidikan Lingkungan Hidup Melalui Pembelajaran IPS di Sekolah Dasar Sebagai Alternatif Menciptakan Sekolah Hijau*, Dosen Jurusan PGSD Fakultas Keguruan dan Ilmu Pendidikan, Universitas Muhammadiyah Sidordjo. *PEDAGOGIA* vol. 2 nu. 1, Februari 2013;
- Hukum Lingkungan Pengaturan Limbah dan Paradigma industry Danusaputro di Ahmad Faishal*, 2016. Pustaka Yustisia. Yogyakarta;
- Notoatmodjo, 2003;
- Bandura, 1977; Azwar, 2003;
- Albarracín Dolores, T. Jhonson, d Mark P. Zanna, *The Handbook of Attitude*, Routledge, 2005;
- Sudarsono, *Kamus Hukum*, (Jakarta: Pt Rineka Cipta, 2005)., 469;
- Ir. Miftahur Rohim, M.Kes, 2023 (Panduan Pengelola Sampah);
- Ajmur Juliandi, dkk. *Metodologi PenelitianBisnis Konsep dan Aplikasi*, (Medan : UMSU Press, 2014);
- Kaerul Juliandi, dkk. *Metodologi Penelitian*, (Cirebon : STAINGCirebon, 2002);
- Prof.Dr. Achmad Ali, S.H., M.H., Dr.Wiwie Haryani, S.H., M.H. 2015 (*Menjelajahi Kajian Empiris Terhadap Hukum*);
- Materia Direitu Ambientál, Dosente Januario R. da Silva,.Lic.Dir.MD.
- Elisabeth Fisher,” Enviromental Low-A Very Short Introduction”, *Enviromental Low Review*, vol. 20, No. 1, 2018;

Yann Kerbrat & Sandrine Maljean-Dubois, ‘‘The Trnsformation of International Enviromental Law’’, enlr, vol. 13 No. 4, 2011;

Suwari Akhmaddhian, ‘‘Penegak Hukum Lingkungan dan Pengaruhnya Terhadap Pertumbuhan Ekonomi di Indonesia (Studi Kebakaran Hutan Tahun 2015)’’, Jurnal Unifikasi, Vol. 03, No. 1, 2016;

¹Soerjono Soekanto, 1983, Penegakan Hukum, Jakarta: BPHM & Binacipta;

Sajipto Raharjo, 1983 Masalah Penegakan Hukum, Bandung: Sinar Baru;

Lili Rasjidi, 1991, Filasafat Hukum Apakah Hukum Itu?, Bandung: Remaja Rosdakarya;

Lawrence Meir Friedman, 1984, American Law: An invaluable guide to the many faces of the law, and how it affects our daily lives, New York: W.W. Norton & Company;

Dwi Haryadi, S.H., M.H. Dosen Fakultas Hukum dan Ilmu Sosial Universitas Bangka Belitung, Menumbukan Kesadaran Hukum Lingkungan (Opini Babelops 27 Februari 2008);

Dwi Haryadi, S.H., M.H. Dosen Fakultas Hukum dan Ilmu Sosial Universitas Bangka Belitung, Menumbukan Kesadaran Hukum Lingkungan (Opini Babelops 27 Februari 2008);

Soerjono Soekanto, Kesadaran Hukum dan Ketaatan hukum, (Jakarta, CV. Era Swasta: 1982), Cet. I;

Shira Thania, SH, MH., januari 2017, Jurnal Warta edisi: 51, Universitas Gajah Putih;

Waty Suwarty Harwono, Hukum Lingkungan;

Rachmad K. D. Susilo, Sosiologi Lingkungan. (Jakarta: PT Rajagrafindo Persada, 2012) ;

Steg. L & Vleg. C. Encouraging Pro-environmental behavior: An integrative agenda. Jurnal of Environmental Psychology 29, no. 3 (2019): 309-317s;

Jhon Barry. Environmental and Sosial Theory. (London: Routledge, 2017);

Tyas Palupi, Dian Sawitri, 2017, Relationship Between Attitude And Pro_Environmental Behavior from the Perspective of Theory of Planned Behavior. (Proceeding Biology Education conference volume 14, no. 1);

II. LEIS

Konstituisaun RDTL 2002;

Dekretu lei nú.26/2012, Baze Ambientál, 4 de de Jullu

Dekretu Lei Nú.33/2008, Higiene e Orden Públiku

Dekretu Lei nú. 2/2017 kona-ba Jestaun Lixu;

Rezolusaun Governu nú. 32/2016 kona-ba Estratejia no Melloramentu Jestaun Lixu.

III. INTERNET

<https://deepublishstore.com/blog/empiris-adalah>, Google January 2022

KULIAH HUKUM MUKTI FAJAR (youtube)

<https://www.dosenpendidikan.co.id/metodologi-penelitian/>, Google July 2019

tatoli.tl <https://tatoli.tl>2020/02/10>lixu-...> Lixu Nia Impaktu Ba Ambiente No Umanidade 2020/02/10 4:6:18 PM DILI.

Pyfahealt,com <https://pyfahealth.com>blog>per...Perbedaan> dan Contoh Sampah Organik dan Anorganik
google.com

<http://www.kantorhukum-lhs.com> Artikel Kesadaran vs kepatuhan Hukum oleh Drs. M. Sofyan, Diakes 20 Maret
2015.

Kamus besar Bahasa Indonesia, page 24. www.google Charome

<https://sanitariankit.id/dampak-sampah-pada-lingkungan-dan-kesehatan>